



Sofie Geisler
Inatsisartunut ilaasortaq

20-06-2018
Suliap nr 2016-17592
All. nr. 30825033
Postboks 1340
3900 Nuuk
Oqarasuaat (+299) 34 50 00
E-mail: nap@nanoq.gl
www.naalakkersuisut.gl

**Tuluit Nunaata EU-mit aninera taassumalu Kalaallit Nunaannut
sunniutaasinnaasut pillugit § 37 naapertorlugu apeqqummut nr. 110-
2018–imut akissut**

Inatsisartut suleriaasianni § 37-mi imm. 1 naapertorlugu Tuluit Nunaata EU-
mit aninera taassumalu Kalaallit Nunaannut sunniutaasinnaasut pillugit
Naalakkersuisunut apeqquteqarsimavutit. Apeqqutit uannut
akineqartussanngortinneqarsimapput.

Apeqqut:

- 1. Kunngaqarfiup Tuluit Nunaata EU-mit ilaasortaajunnaarneratigut
ilinniarnermut atatillugu paarlaateqatigiittarneq innarlissavaa?
- Taamaassappat; qanoq?**

Akissut:

EU-p Tuluit Nunaatalu isumaqatigiinniarneri suli ingerlapput, taamaattumillu
apeqqut allanngortitassaangitsumik akineqarsinnaanani.

Isumaqatigiinniarnarit naammassineqarpata, Tuluit Nunaannut iserniarnernut
najugaqarallarnernullu inaarutaasumik aalajangersakkat aalajangersarnissaat
Tuluit Nunaata nammineq isummerfigissavaa. Ilinniarnertuunik
paarlaasseqatigiittarneq tamatuma ajornarnerulersissaneraa
aalajangersimasumik oqaatigissallugu siusippallaarpoq.

Apeqqut:

- 2. Kunngaqarfiup Tuluit Nunaata EU-mit ilaasortaajunnaarneratigut
innuttaasut Nunatsinneersut Kunngaqarfimmi Tuluit Nunaanni
najugaqarnerannut imaluunniit sulinerannut pitsaanngitsumik
sunniuteqassavaa?
- Taamaassappat; qanoq?**

Akissut:

Innuttaasut kalaallit danskit naalagaaffianut innuttaapput, tunngaviatigullu
Tuluit Nunaat EU-mit anippat danskit naalagaaffianut innuttaasut assigalugit
pineqassapput. Tamanna oqaatigereerlugu, EU-p Tuluit Nunaatalu
isumaqatigiinniarneri suli ingerlapput. Isumaqatigiinniarnarit
naammassineqarpata, Danskit naalagaaffianut innuttaasut– matumani

ilanngullugit kalaallit innuttaasut - Tuluit Nunaanni najugaqarnissaannut sulinerannullu inaarutaasumik aalajangersakkat aalajangersarnissaat, Tuluit Nunaata nammineq isummerfigissavaa. Taamaattumik apeqquq allanngortitassaangitsumik sulii akineqarsinnaangilaq.

Apeqquq:

3. Naalackersuisut pilersaaruteqarpat Kunngaqarfik Tuluit Nunaanni aallartitaqarfeqalernissamut?

Akissut:

Tuluit Nunaat sulii EU 2019-imi marsip naanera tikillugu ilagimmagu imaluunniit piffissap ikaarsaariarfiusoq 2020-p naaneranut atuutilissappat ilagissammagu Naalackersuisut Tuluit Nunaanni Kalaallit Nunaata Sinniisoqarfianik pilersitsinissamik piffissami matumani pilersaaruteqanngillat. Tuluit Nunaata EU-mit anivinnissaata tungaanut, suliat Tuluit Nunaannut attuumassuteqartut, EU-mut Brexitimullu sulianut attuumassuteqartunut tunngasut, Kalaallit Nunaata Bruxellesimi sinniisoqarfianit suliarineqartassapput.

Apeqquq:

4. Naalackersuisut qanoq iliuuseqarpat Kunngaqarfiup Tuluit Nunaata EU-mit anineratigut tamatuma Nunatsinnut aningaasaqarnikkut pitsaanngitsumik kinguneqarsinnaanerata minnerpaaffeqarnissaa siunertaralugu?

Akissut:

Kalaallit suliffeqarfiisa Tuluit Nunaannut aalisakkanit nioqqutissianik avammut niuernerata akitsuusigaangitsumik periarfissaqartuarnissaanik qulakkeerinninnissaq Naalackersuisut immikkut soqutigisaraat. Suleqatigiinnissamik isumaqatigiissutip, aalisarnej pillugu suleqatigiinnissamik isumaqatigiissutip Nunanit nunallu immikkoortunit imarpiup akianiittunullu (OLT) ilaanera Brexitimit pitsaanngitsumik tamakku sunnerneqannginnissaat immikkut soqutiginaateqarpoq.

Naalackersuisut isummernissaannut tunngavissiaq Brexit 17. oktobari 2016-imeersoq tunuliaqutaralugu, Brexitimut Immikkut Suliassaqarluni Suleqatigiissitamik (Task Force) Namminiilivinnermut Nunanut Allanut Nunalerinermullu Naalackersuisoqarfiusimasup, massakut Nunanut Allanut Naalackersuisoqarfiup, naalackersuisoqarfinit attuumassutilinnik peqataaffigineqartumik pilersitsivoq. Tamatuma saniatigut Nunanut Allanut ministeeriaqarfiup Brexitimut Immikkut Suliassaqarluni Suleqatigiissitaanut (Task Force) Nunanut Allanullu Naalackersuisoqarfik sinniisoqarpoq. Immikkut Suliassaqarlutik Suleqatigiissitani marluusuni ataatsimiinnerit ingerlanneqarput, tassani Brexitimi ineriartornerit kingulliit oqaluuserineqarput.

Tassunga oqaatigineqarsinnaavoq, naalakkersuisoqarfinnut attuumassuteqartunut kiisalu Kalaallit Nunaanni inuussutissarsiortut sinniisuinut attaveqarnermit ilapittuutigineqartut tunngavigalugit Nunanut Allanullu Naalakkersuisoqarfiup Bruxellesimi Kalaallit Nunaata Sinniisoqarfia suleqatigalugu 2017-imi ukiap ingerlanerani, Brexitimut tunngatillugu Kalaallit Nunaata soqutigisaanut tunngatillugu allakkiaq suliarisimavaat. EU-mut Brexitimut isumaqatiginninnartut qullersaannut 2017-imi allakkiaq tunniunneqarpoq, taamaalilluni Kalaallit Nunaata Brexittimut tunngatillugu soqutigisaat ingerlateqqinneqarput. Allakkiaq Inatsisartuni ataatsimiititaliamut suliaq pillugu sammisalinnut ingerlateqqinneqarnikuuvoq. Tamannali paasisariaqanngilaq, EU-p Brexit pillugu ullormut oqaluuserisassaani Kalaallit Nunaat pingaarnersaasoq, taamaammat pingaaruteqarpoq, kalaallit soqutigisaasa ingerlaavartumik sakkortuumik sunniiniutiginissaat, soorlu Kalaallit Nunaata EU-mut isumaqatigiissutaanut pissutsit tunngassuteqartut EU-mi suliniuteqartunut attuumassuteqartunut malugitinniarnissaat, taamaaliortoqarporlu.

Tamatuma saniatigut Europa-Kommissionimut siulittaasup, Jean-Claude Junckerip, 2018-imi aasap ingerlanerani Kalaallit Nunaannut tikeraarnissaa sulissutigineqarpoq, kiisalu uanga Nunanut Allanut Naalakkersuisutut Bruxellesimut juulimi tikeraarnissara pilersaarutigivarput.

Tuluit Nunaannut Kalaallit aallartitaasa tuluit aallartitaasalu attaveqaqatigiippit, aamma Tuluit Nunaanni niuerfimmut akitsuuteqanngitsumik akileraarusersorneqanngitsumillu isernissamut kalaallit soqutigisaasa aalajangiusimaneqarnissaat Tuluit Nunaannut paasissutissanik paarlaasseqatigiissutigineqarput, matumani ilanngullugu Tuluit Nunaata Brexitip kingorna illugiilluni isumaqatigiissuteqarnissamik Kalaallit Nunaata soqutiginninnera.

Suliniuteqarneq taanna Naalakkersuisut salliutippaat, kalaallillu aallartitaasa Tuluit Nunaannut tikeraarnissaat aamma piareersarneqassaaq naammassineqassallunilu.

Inussiarnersumik inuulluaqqusillunga
Med venlig hilsen


Vivian Motzfeldt